

նրկա չունի որ և է արժէք, բայց և այնպէս զիրք է և կտակ է հոգւոյ. և ես արդէն զիրքերու զոհաբերած եմ իմ անձս.

«Լաքի զիրք տուր վազըֆտըր ճանէ,
Գիրք եօլունա ֆիտա օլմուչէմ զէրէ»:

Բ. Պատասխանելով Գրիգորիս վարդապետի մահուան առթիւ իր մէկ բարեկամ վարդապետին (անունը չի տար) մխիթարական զիրին (Յաւել. էջ 487-488), սրտաշարժ տողերու մէջ անոր յուզարկաւորութիւնը նկարագրելէ ու իր կորուստը ողբալէ ետք՝ կ'աւելցնէ. «Եթէ քու մեծութիւնդ կ'ուզէ մխիթարել իր սիրելին՝ իբրև միակ սփոփանք թո՛ղ ինձ զրկէ իր անուան յիշատակ եղած Աջպան Տիւանէին Պատմազիրքը, որպէսզի կարևոր կտորները ծաղկաքաղ ընեմ անկէ»:

Ասոնք յատկանշական զիծեր են, որ կ'ապացուցանեն թէ Զէլէպի ինչ աստիճան հետամուտ էր ուսման և սիրահար գիրքերու:

Ո՛րքան նշանակալից է իր առ Ապրոյ Ուղերձին սա խօսքը՝ թէ Ս. Գրոց ուսման մէջ յառաջանալու և իմաստասէրներու աշակերտելու ու անոնց հասնելու տենչը, ըստ Սաղմոսերգուն՝ վճիտ աղբիւրներու ջուրին ծարաւի եզող միեղջերուին նման կը տոչորէ զինք, վասնզի, կը յաւելու, ամէն ինչ կ'անցնի, աշխարհի մեծութիւնները կը խափանուին. միայն ուսումը՝ պանծալի, աննման ու կենդանի՝ կը մնայ վեր ամէն բանէ (Յաւել. էջ 559-60):

Վերիւ յիշուած մեր Մատենադարանի թիւ 186 Զեռագիրը կը պարունակէ Եղիազար կաթողիկոսի նամակներու եւ կոնդակներու եւ իրեն զրկուած գիրքերու ու կարգ մը ուրիշ թուղթերու ընդօրինակութիւնը: